

SCOUTSHOP

Arowakenweg 41A - P.O.Box 4356
Curacao; Netherlands Antilles

NEWSLETTER

Edishon: 2010-01

Si, Scoutshop ke kuminsá ku un boletin informativo. Ta asina ku regularmente sa manda mail ku informashon di Scout Shop. Mayoria biaha esaki ta pa informá di dianan ku Scout Shop lo ta sera. Nos ke struktura e dunamentu di informashon aki, anto hinka esaki den un boletin mensual. Aki, bo tin e promé edishon di esaki.

Den nos plan di maneho 2008 – 2010 tin e siguiente proyekto definí:

Proyekto # 15: Sentro di informashon / Scout Shop

Deskripshon: Ku un maneho mas strukturá, ku un bista mas “profeshonal (business approach)” mester ta posibel pa Scout Shop rindi mas na benefisio di S.A. Den e proseso pa desaroyá Scout Shop mester wak e posibilidat pa kombiná Scout Shop ku un sentro di informashon interaktivo, aksesibel pa hóben i lider, durante momentonan di dia ku ta kumbiní, ku fasilidatnan di komunikashon moderno.

Realisashon di esaki ta nos meta.

Gosa di e promé edishon aki i nos ta ansioso pa haña reakshon i komentario.

NOTISIA:

Scout Shop ta den kombersashon ku Padvindstersvereniging v/d Nederlandse Antillen (PNA) pa formalisá un kooperashon den kua artikulonan pa e miembronan di PNA tambe lo ta disponibel den Scout Shop. Keda pendiente, segun e kombersashonnan desaroyá nos lo informá boso.

KALENDARIO DI SCOUT SHOP

Orario: Scout Shop ta habri di djamars pa djabièrnè, di 17.00 pa 19.00 ‘or anto riba djasabra di 08.30 pa 10.00 ‘or. Djasabra dia 13, djamars dia 16 i djarason dia 17 di febrüari Scout

Shop lo ta sera en konekshon ku Karnaval.

OFERTA SPESHAL:


Scout Shop tin kamisa di Kaki, sais small (141/2) i medium (151/2) na un preis speshal di fl.20,00 pa un.

Na kompra di:

- Fl. 50,00 òf mas por skohe un regalu for di nos “mesa di pruga”.
- Fl. 100,00 òf mas ta haña un poster “E persona ku mi ke ta” grátis.
- Fl. 200,00 òf mas ta haña 10% rebaho riba e kompra total.

ATENSHON SPESHAL PA:

Den e rúbrika aki nos lo dediká atenshon speshal na un òf mas artíkulo ku ta disponibel den Scout Shop. Den e promé edishon aki nos lo dediká atenshon na "Bo Salu".



Trahandu riba e manual di instrukshon pa Verkèner na papiamentu nos a topa ku e buki aki. Nos a buska un kantidat i e ta disponibel na Scout Shop pa fl.15,00 pa un. E kontenido aki ta kubri tur lokual un Verkèner mester sa pa e por pasa e tarea di EHBO terser i segundo grado.

Pasa buska di'bo.

Por haña kontakto ku Scout Shop usando e siguiente kanalnan:

Direkshon pa pòst: P.O. Box 4356, Kòrsou, Antia Hulandes

Email: scoutshop@onenet.an -Telefon: +59997388322

Banko: Giro: number di kuenta 525858

RBTT: number di kuenta 102.37.658

AKTIVIDATNAN DI SCOUTING:

"Esaki ta komo un rekordatorio, semper aberiguá ku e organisadó pa mas detaye".

Febrüari:

- 10 - Reunionnan di distrikto 1, tantu pa sekshon di Wèlp komo di Verkèner.
- 17 - Reunionnan di distrikto 3, tantu pa sekshon di Wèlp komo di Verkèner.
- 20 - Distrikto 3 tin aktividat pa Bever.
- 22 - Dia di Baden Powell – nos ta dal nos unifòrm hinter dia.
- 25 - Distrikto 2 tin su reunion di Distrikto.

Mart:

- 2 – Konseho di Distrikto 1.
- 3 – Konseho di Distrikto 3.
- 5 i 6 – Enkuentro di Wòlfnan Mayó.

KIKO NOS REGLANAN TA BISA DI "DASRING"?

Den e rúbrika aki nos ke duna informashon di kiko reglanan di Scouting Antiano ta bisa tokante sierto partinan di nos unifòrm. E biaha aki nos: DASRING.

Bo por kere ku reglanan di Scouting Antiano no ta bisa nada di "dasring". Kemen "no tin regla"? Klaro ku si. Nos tin un palabrashon ku reglanan bieu di APV i KV ta keda vigente miéntras no palabra regla nobo. Den nos próksimo edishon nos ta trese kiko e reglanan bieu aki ta bisa.